

Dat kannst' mi glöven - Plattdeutsche Andachten

Montag bis Freitag, 14.15 Uhr (NDR 1 Niedersachsen)

29. Juli – 02. August 2024

Beauftragte für Altenseelsorge Anita Christians-Albrecht

Für die Swifties ist es das Ereignis des Jahres: Popkönigin Taylor Swift hat sieben Konzerte in Deutschland gespielt. Und dann war da ja noch die EM, und die Plattdüütschen haben ihr Wort des Jahres gewählt ... Was hat das alles mit dem christlichen Glauben zu tun, fragt Pastorin Anita Christians-Albrecht. Sie ist landeskirchliche Beauftragte für Altenseelsorge.



Anita Christians-Albrecht

Redaktion:
Anita Christians-Albrecht
Pastorin und Beauftragte für
Altenseelsorge in der
hannoverschen Landeskirche

Veröffentlichung:
Evangelische Kirche im NDR
Redaktion Hannover
Knochenhauerstr. 42
30159 Hannover
Tel. (0511) 32 76 21
www.ndr.de/kirche

Dieses Manuskript ist urheberrechtlich geschützt und darf nur für private Zwecke des Empfängers benutzt werden. Jede andere Verwendung (z.B. Mitteilung, Vortrag oder Aufführung in der Öffentlichkeit, Vervielfältigung, Bearbeitung, Übersetzung) ist nur mit Zustimmung der Ev. Kirche im NDR zulässig. Die Verwendung für Rundfunkzwecke bedarf der Genehmigung des NDR.

Montag, 29. Juli 2024: Taylor

Dat weer't eerstmal weer för de Swifties, de Fans van Taylor Swift. Güstern het se de letzte van hör söven Konzerten in Düütschland spöolt. Taylor Swift. Ik hebb hör al sehn un höört, as se noch gor nich so bekannt weer. 2011 in Oberhausen. Hör eerste Konzert in Düütschland. Mien Dochter Alina funn hör domals al toll, un weil se mit 13 noch nich alleen up Tour dürrs, muss Mama mit. 7000 Lüüd. Un Korten för good 60 €. Lächerlich. Vandaag is Taylor Swift Milliardärin un spöolt in d' Schalke-Arena. 62.271 Platzen. Un Korten? Sünd bold nich to kriegen un to betahlen. Worum disse Hype? Taylor Swift is jung, maakt goode Musik, schrifft hör Texten sülst. Man dat is bi annern ja ok so. Ik glööv, se is dicht bi de Minschen. Nich bloot in hör Texten. 2011 het se ganz vööl Fans de Hand schüddelt. Un hör Möder is rumlopen un het mit de Lüüd proot'. Ok mit Alina. Dat weer di wat! Se is dicht bi de Minschen. Se weet, wat se bruken. Ok ganz handfast. An d' Enn van hör 2024er Tour in Amerika het se de Truckers, de för hör arbeit hebben, 100.000 Dollar schunken. Disse Frootlüüd un Mannlüüd leven *on the road*. För Taylors Tournee hebben se hör Familien 24 Maand nich sehn. Mit 100.000 Dollar können se nu een Huus anbetahlen of de Studiengebühren för een Kind upbrengen, Dat Leven kann noch mal ganz neei worn. Natürlich kann Taylor Swift sük dat leisten. Obber - se harr't ja nich musst.

Dienstag, 30. Juli 2024: Asterix un Obelix

Asterix un Obelix sünd Frünn. Heel verscheeden sünd de beiden. Un gahnt doch mit'nanner dör Dick un Dünn. Man denn het Obelix immer mehr to doon mit sien Hinkelsteinen. He word riek. Un het up eenmal gor kien Tied mehr för Asterix. Nah un nah markt he, dat hum wat fehlt. Mit'nanner proten un lachen, Geheimnissen deelen, een de anner bistahn un Moot maken. Sien Fründ fehlt hum. Un so tomal lett he Geschäft Geschäft wesen und geiht mit Asterix up d' Jagd. Mit sien Fründ, de he anto verloorn harr. Vandaag, an d' 30. Juli, is de *Internationale Dag van de Fründschup*. 2011 het de Uno de inführt. Denn de Förschung beleggt: wenn wi Frünnen hebben, leven wi glückelker un langer. George Bernard Shaw sall sogar mal seggt hebben, dat Frünn Gott sien Entschul-digung sünd för Verwandten. He mutt woll nich allto good mit sien Lüüd kunnt hebben. Obber dat Gott dor wat mit to doon het, dor het he seker recht mit. Ik denk, Minschen to finnen, mit de man Spaaß hebben, obber ok över ernste Saken proten kann, is een Geschenk van Gott. *Mögen de Scharnieren van jo Fründschup nooit rüsten*, heet dat in een wunnerboren irischen Segensspröök. Denn ok goode Fründschupen mutt man hen un her mit Leevede un Energie ölen. Dat is immer ok'n bietjet Arbeit. Man dorför kriggst du denn ok leep vööl torügg. *Up'n Fründ kannst du di immer verlaten*, heet dat al in d' Bibel. Wat good, dat Obelix de Dreih noch kregen het.

Mittwoch, 31. Juli 2024: Swiftkarken

Weeten Ji, wor Swiftkarken liggt? Gelsenkirchen is dormit meent. De Stadt stunn vörletzt Week Kopp. Denn de grote Sängerin Taylor Swift het dor dree Konzerten spöolt. De bekannteste Popstar im Moment. Över 280 Millionen Followers up Instagram.

Swiftkarken. Wat het Taylor Swift mit d' Kark, mit uns christlich Glöven to doon?

Eegentlich ziemlich vööl. *Mien Moder namm mi jede Sonntag mit in d' Kark*, vertellt se mal in een Interview. *Un immer vör't Eten hebben wi beedt!*

Hör Glöven het hör ok in persönlich Krisen al hulpen. 2019 word bi hör Moder Krebs faststellt. *Soon You'll Get Better* heet dat Lied, wat se doröver schreven het. Dat geiht um hör Angst un hör Hopen. Un dorum, dat se jede Nacht beden deit. Taylor glööv't, dat Gott hör Moder weer gesund maken kann. Dör de orangefarven Medikamenten.

Un noch wat is wichtig. Lang Tied het se to de Politik in Amerika nix seggt. Bit 2018. In hör Heimatbundesstaat Tennessee maakt Taylor de Mund open tegen de ultrarechte republikanische Kandidatin dor. *Se is dortegen, dat Frauen fair betahlt worm!* Taylor kann't nich faten. *Se denkt, dat dat up Stääd is, een schwulen Poor ut een Restaurant ruut to schmieten. Ik bün Christin, un ik leev in Tennessee*, seggt se. *Dorför stahnt wi nich! Dat sünd nich uns Werten!* Sietdem kämpft se för Respekt un LGBTQ-Rechten un tegen Rassismus un Gewalt. Ok dorför kriggt se'n Steen up de *Walk of Fame*. In Swiftkarken.



Donnerstag, 1. August 2024: Football

Ik höör nich to de Footballbegeisterten in't Land. Man nu, bi disse EM, het mi dat doch packt. Dat eerste Spööl van de Düütschen hebben mien Mann un ik nämlich up'n Riesenleinwand sehn. Dor harrst du't all kloor för Ogen. Wo wunnerbor de Spölers mit de Ball umgahnt. Wat för Künstlers dor an't Wark sünd. Wovööl Schweetdrüppen so'n EM-Spööl kösten deit. Sietdem hebb ik bold jede Spill sehn. Ik harr ja Urlaub. Noch mehr begeistert as de Spölen up sük hebben mi de Worden van Julian Nagelsmanns. Nahdem de düütsche Mannschaft leep knapp un'n een bietjet unglückelk utscheddt is. Tegen Spanien in't Viertelfinale. Natürlich harrn se de Fans geern noch mehr geven un ok'n Pokal haalt, seggt de Bundestrainer in sien Interview. Un doch het dat Turnier de Minschen in Düütschland un Europa ok so weer'n Stück wieder tosamen brocht. Wi leven in een Tied, meent he, wor dat anschiendend wichtiger is, een tollen Foto van sük alleen an een wunderboren Bargsee to posten as een poor Stünn mit annern to verbrennen. Un he wünscht sük, dat vööl mehr Minschen marken, wo good dat deit, tosamentoholln, een de anner to helpen un dorto bitodragen, dat dat all, de in uns Land leven, good geiht. Dat een wieder kummt, wenn he bloot för sük sülst sorgt un bloot alleen för sük hen kraabt, meent Nagelsmann, dat is selten, . Nich bloot bi't Football.

Freitag, 2. August 2024: Tauversicht

2023 weer dat *Freden*. 2024 is *Tauversicht* dat plattdüütsche Woord för dat Johr. Siet 1. Juni steit dat fast.

De Wettstried giff dat siet 1995. De Heimatverband un dat Fritz-Reuter-Literaturmuseum in Stavenhagen richten dat ut.

Ballerdutje het al mal wunnen oder Dwarsdriewer – lang vör Corona.



Un ok ditmal hebben weer 180 Lüüd Worden vörslahn, faak verbunnen mit persönlich Geschichten. Sogor ut Bayern un Brasilien hebben sük Minschen meldt. Dat Siegerwoord hebben glik twee Minschen inreicht. As Winner utloost wurr denn de 91-johrige Günter Lambrecht ut Parchim. He harr eerst een anner Woord vörslahn wullt, vertellt he. Man denn harr he sük mit een Fründin över hör Tokunft unnerholn un dor weer hum upfallen, wo faak se beid van *Tauversicht* proot' harrn. *Do hebb ik dat Woord noch fell ännert un nah Stavenhagen stüürt*, meent he. *Tauversicht* – dat mooiste plattdüütsch Woorde 2024. Ik glööv, dat passt to dat, dat vööl Minschen denken un föhlen in uns Tied. Wenn wi up all de Kriegen un Krisen kieken, köönt wi bloot överleven mit *Tauversicht*. Nix het de Welt im Moment nödiger as Hopen, seggt ok de Jury. Minschen wünschen sük een friedlich Mit'nanner un beter Tieden. *Tauversicht*. Mag ok Plattdüütsch dorto bidragen, dat Minschen wiederhen hopen köönt.